



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Helensi Episcopo.

**urn:nbn:de:hbz:466:1-20020**

## 262 Epistolarum Innocentij III.

missa per censuram ecclesiasticam appella-  
tione remota justitia mediante compel-  
lant. Datum Laterani ix. Kal. Februarij,  
anno undecimo.

*Scriptum est ipsis super hoc.*

### *ATHENIENSI ARCHIEPISCOPO.*

*Epiſt. 246.*  
*De reſidentia*  
*Canonicorum.*

**P**roposuisti nobis in nostra praesentia  
constitutus quod' quidam Ecclesia  
tuae Canonici nolunt Atheniensi Ecclesiae,  
prout tenentur, personaliter deservire.  
Quare dicta Ecclesia divinis officiis pluri-  
mum defraudatur. Ne igitur dicti Cano-  
nicci ex hoc commodum valeant reporta-  
re ac dicta Ecclesia debito servitio defrau-  
detur, praesentium tibi auctoritate conce-  
dimus ut ipsos per censuram ecclesiasticam  
appellatione remota tibi compellere liceat  
ad debitam in ipsa Ecclesia residentiam fa-  
ciendam. Datum Laterani &c. ut suprà.

### *NAZORESCENSI ELECTO.*

*Epiſt. 247.*  
*Super codem.*

**P**roposuisti nobis in nostra praesentia  
constitutus quod' quidam Ecclesia  
Nazorescensis Canonici nolunt eidem Ec-  
clesiae, prout tenentur, personaliter de-  
servire &c. *ut in alia.* Datum Laterani  
viii. Kal. Februarij anno undecimo.

### *HELIENSI EPISCOPO.*

*Epiſt. 248.*  
*De Praacentore*  
*Ecclesia Lon-*  
*don.*  
*Cap. Cim o-*  
*lim. De conſue-*  
*tudine.*

**C**um olim venerabilis frater noster  
Londoniensis Episcopus nostris auribus  
intimasset quod' in sua Ecclesia pro-  
posuerat statuere Praacentorem, certum  
redditum assignaturus eidem sine leſione  
cujusquam, nos ejus precibus inclinati li-  
centiam ei concessimus Praacentorem hu-  
jusmodi ordinandi, dummodo in confe-  
rendis sibi redditibus nulli praejudicium  
inferretur, nihilominus statuentes ut Prae-  
centor taliter institutus in sessionibus, pro-  
cessionibus, & aliis illam haberet in Lon-  
donienſi Ecclesia dignitatem quam habent  
alij Praacentores in aliis Ecclesiis Anglia-  
nis. Postmodum autem nostris fuit auribus  
intimatum quod licet idem Episco-  
pus dilectum filium B. in eadem instituisse  
Ecclesia Praacentorem, quod tamen a  
nobis fuerat de prælibata dignitate statu-  
tum biennio jam elapso exequi non cura-  
rat. Quapropter tibi dedimus in mandatis  
ut illud sublato cujuslibet contradictionis  
& appellationis obſtaculo exequi non po-  
poneres, contradictores per censuram ec-  
clesiasticam compescendo. Noviter vero  
dilecti filii Decanus & quidam alij per-  
sonatus habentes in Ecclesia memorata suam  
nobis transmisere querelam quod' cum

per Anglicanas Ecclesias consuetudines  
sunt diversæ, ac quidam Cantorum mino-  
rem, quidam vero majorem habeant dig-  
nitudinem, nec possint dignitates eorum,  
cum sint vel variae vel repugnantes, con-  
venire simul in unam, is qui noviter est  
institutus in Ecclesia Londoniensi Praacen-  
tor, non contentus eo quod habere po-  
test sine præjudicio aliorum, occasione  
litterarum nostrarum quasdam ipsius De-  
cani & aliarum personarum ejusdem Ec-  
clesiae dignitates sibi nititur in eorum præ-  
judicium arrogare. Quocirca fraternitati  
tua per apostolica scripta mandamus qua-  
tenus si secundum diversas locorum con-  
suetudines diversos habere noveris Prae-  
centores in Anglicanis Ecclesiis dignitatibus,  
jamdiu Praacentorem illam habere facias  
in Londoniensi Ecclesia dignitatem eaque  
appellatione remota permanere  
contentum quam rationabilibus & appro-  
batis consuetudinibus ejus salvis sine alie-  
no præjudicio poterit obtinere. Datum  
Laterani ii. Non. Februarij, pontifica-  
tus nostri anno undecimo.

### *HVBALDO EPISCOPO IN* *Archiepiscopum Ravennatem electo.*

**P**ost translationem tuam ad Eccle-  
siam Ravennatem cum dilecti filij  
Præpositus, Canonici, Abbates, & Pri-  
merij Faventini totusque civitatis cle-  
rus, sicut per litteras corundem acce-  
pimus, in dilectum filium I. Presbyterum  
Canonicum Faventinum liberam eligendi  
auctoritatem unanimiter contulissent, ip-  
se sancti spiritus gratia invocata dilectum  
filium Ioachim sancti Fridiani Lucani Ca-  
nonicum, olim Episcopum Serzenatem,  
in Faventinum Episcopum postulandum  
elegit; per cuius sollicitudinem circum-  
peclam, qui primò Canonicus & postea  
Præpositus in Faventia Ecclesia fuit lau-  
dabiliter conversatus, multiplicita speran-  
tia eidem Ecclesia commoda proventura.  
Porro a dilecto filio sancti Fridiani  
Priore super hoc requisito & obtento  
consensu, Præpositus & alij supradicti po-  
stulationem eandem approbari a nobis hu-  
miliiter petierunt. Verum postulationi hu-  
jusmodi videbatur Concilij Constantino-  
politani capitulum prima facie obviare,  
in quo statutum esse dicitur ut qui-  
cunque de pontificali dignitate ad mona-  
chorum vitam & penitentia locum dec-  
cenderit, nequaquam ulterius ad pontifi-  
catum resurgat. Vnde contra dictum Con-  
cilium, cum sit unum ex quatuor princi-

*Epiſt. 149.*  
*Vt Faventia*  
*Ecclesia Epis-*  
*copum elige-*  
*faciat.*  
*Cap. Peſtiſſi-*  
*lari. Di mui-*  
*nat.*  
*Vide infra*  
*Epiſt. 271.*

*Vide lib. 5. II*  
*Conc. lat. 8.*  
*imp. cap. 24.*  
*3. 11.*